



Drefniadau Derbyn Ysgolion ar gyfer 2020/21

1. Polisi Derbyn

- a) Yr awdurdod lleol yw'r awdurdod derbyn, heblaw ar gyfer ysgolion Gwirfoddol a Gynorthwyr lle mae'r corff llywodraethu yw'r awdurdod derbyn.
- b) Gall rhieni fynegi blaenoriaeth ar gyfer ysgol ac mae'n rhaid i'r awdurdod derbyn ganiatáu'r dewis hwnnw oni bai y byddai gwneud hynny'n peryglu darparu addysg effeithlon neu ddefnydd effeithlon o adnoddau. Yn ei hanfod, os oes digon o leoedd ac adnoddau ar gael yn yr ysgol, bydd y disgybl yn cael lle. Dylai holl rieni darpar ddisgyblion fynegi blaenoriaeth drwy ddefnyddio system dderbyn ar-lein y Cyngor.
- c) Bydd lleoedd yn cael eu dyrannu hyd at nifer derbyn yr ysgol heb gymhwyso unrhyw amodau. Fodd bynnag, os oes mwy o geisiadau wedi'u derbyn erbyn y dyddiad cau a gyhoeddwyd nac y sydd o leoedd, yna bydd y meini prawf gordanysgrifio canlynol, a restrir yn nhrefn blaenoriaeth, yn cael eu defnyddio er mwyn dyrannu lleoedd mewn ysgolion cymunedol a gwirfoddol a reolir:
 1. Disgyblion sy'n Derbyn Gofal ar hyn o bryd neu a fu'n Derbyn Gofal gan awdurdodau yng Nghymru a Lloegr yn unol ag Adran 22 o Ddeddf Plant 1989.
 2. Disgyblion sydd â datganiad o Anghenion Addysgol Arbennig sy'n enwi'r ysgol.
 3. Anghenion meddygol, seicolegol neu ddysgu ychwanegol eithriadol (**gweler nodyn a.**).
 4. Disgyblion sy'n byw yn nalgylch yr ysgol a fydd â brawd neu chwaer o oedran ysgol statudol yn yr ysgol ar yr adeg derbyn (**gweler nodyn b.**).
 5. Disgyblion sy'n byw yn nalgylch yr ysgol sydd wedi mynychu ysgol fwydo (**gweler nodyn c.**).
 6. Disgyblion sy'n byw yn nalgylch yr ysgol.
 7. Disgyblion sy'n byw y tu allan i ddalgylch yr ysgol a fydd â brawd neu chwaer o oedran ysgol statudol yn yr ysgol ar yr adeg derbyn (**gweler nodyn b.**).
 8. Disgyblion sy'n byw y tu allan i ddalgylch yr ysgol sydd wedi mynychu ysgol fwydo (**gweler nodyn c.**).
 9. Disgyblion sy'n byw y tu allan i ddalgylch yr ysgol.

Os yw'r nifer sydd wedi blaenoriaethu'n fwy na nifer y lleoedd sydd ar gael, rhoddir blaenoriaeth ym mhob categori gordanysgrifio i frodyr a chwiorydd genedigaeth lluosog (h.y. efeilliaid, tripledi ac ati). Os yw'r plentyn olaf i gael ei dderbyn pan gyrhaeddir y Nifer Derbyn yn blentyn genedigaeth lluosog yna bydd yr Awdurdod yn derbyn y brawd/brodyr neu chwaer/chwiorydd eraill hefyd.

O ran y categorïau gordanysgrifio sy'n cynnwys maen prawf brawd neu chwaer (categorïau 4 a 7), os yw'r nifer sydd wedi blaenoriaethu'n fwy na nifer y lleoedd sydd ar gael, rhoddir blaenoriaeth i'r disgyblion hynny sydd agosaf o ran oed at y brawd neu chwaer hyn sydd eisoes yn yr ysgol (e.e. o

ran derbyn i ysgol gynradd, byddai disgybl sydd â brawd/chwaer ym mlwyddyn 3 yn cael blaenoriaeth uwch na disgybl sydd â brawd/chwaer ym mlwyddyn 6; o ran derbyn i ysgol uwchradd byddai disgybl sydd â brawd/chwaer ym mlwyddyn 9 yn cael blaenoriaeth uwch na disgybl sydd â brawd/chwaer ym mlwyddyn 11).

Yn achos canlyniad cyfartal mewn unrhyw gategori, cynigir lleoedd i'r disgyblion sy'n byw agosaf at yr ysgol, sy'n cael ei fesur yn ôl y pellter cerdded byrraf o giât yr ysgol agosaf sydd ar gael i'r man lle mae annedd breifat y disgybl yn cyfarfod â'r briffordd gyhoeddus.

Nodiadau

a. Anghenion Meddygol neu Seicolegol

Gall angen meddygol neu seicolegol fod yn berthnasol i'r plentyn neu eu rhieni. Er mwyn cael eu hystyried o dan y maen prawf hwn mae'n **rhaidd** i rieni ddarparu tystiolaeth ategol annibynnol **ar yr adeg ymgeisio** sy'n nodi pam mai'r ysgol a ddewiswyd yw'r ysgol fwyaf addas i'r plentyn a'r anawsterau a fyddai'n cael eu hachosi pe byddai'n rhaid i'r plentyn fynychu ysgol wahanol.

Byddai tystiolaeth ategol a fyddai'n cael ei ystyried yn briodol yn cynnwys:

- i) Llythyr neu adroddiad gan un o'r gweithwyr iechyd proffesiynol cofrestredig canlynol: Ymgynghorydd Arbenigol, Paediatregydd Cymunedol, Seicolegydd, Seicolegydd Addysg, Seiciatrydd, Ffisiotherapydd, Therapydd Galwedigaethol. Mae'n rhaid i'r llythyr neu'r adroddiad fod wedi'i seilio ar wybodaeth y gweithiwr proffesiynol ei hun am gyflwr ac amgylchiadau'r plentyn/rhiant. Sylwer **NA** dderbynnir adroddiadau gan feddygon teulu i'r diben hwn.
- ii) Llythyr neu adroddiad gan weithiwr cymdeithasol proffesiynol cofrestredig sy'n seiliedig ar eu gwybodaeth eu hunain am gyflwr ac amgylchiadau'r plentyn/rhiant.

Ni roddir blaenoriaeth o dan y maen prawf hwn os na chyflwynir y dystiolaeth ofynnol ar yr adeg ymgeisio.

Anghenion Dysgu Ychwanegol

Mae'n rhaid i'r anghenion gael eu cadarnhau gan Wasanaeth Cynhwysiant yr Awdurdod Lleol.

b. Brawd neu Chwaer

Mae hyn yn golygu brawd llawn/chwaer lawn, hanner brawd/chwaer neu lysfrawd/llyschwaer, neu blant wedi'u mabwysiadu neu blant maeth sy'n byw yn yr un cartref ar yr adeg ymgeisio.

c. Ysgol Fwydo

Ysgol fwydo yw ysgol gynradd sydd yn yr un 'clwstwr o ysgolion' ag ysgol uwchradd, neu ysgol fabanod sy'n bwydo ysgol iau.

2 Nifer Derbyn a'r Lleoedd sydd ar gael

Mae niferoedd derbyn wedi'u seilio ar reoliadau "Mesur Capasiti Ysgolion yng Nghymru" ac maent yn uniongyrchol gysylltiedig â nifer y lleoedd sydd ar gael yn yr ysgol. Mae niferoedd derbyn ysgolion Cymunedol a Gwirfoddol a Reolir ar gyfer 2020/21 wedi'i hatodi isod.

3. Dyddiadau Derbyn i Ysgolion

Mae'r Llywodraeth wedi pennu dyddiadau sy'n rhaid i blant fod yn 5 oed er mwyn bod yn oedran ysgol gorfodol yn y tymor ysgol canlynol: y dyddiadau hyn yw 31 Awst, 31 Rhagfyr a 31 Mawrth.

Caiff pob disgybl sydd yn 4 oed ar 31 Awst 2020 neu cyn hynny ddechrau'n llawn amser yn y Dosbarth Derbyn o fis Medi 2020. Fodd bynnag, gall rhieni ohirio'r dyddiad dechrau tan y tymor ar ôl i'w plentyn gyrraedd oedran ysgol gorfodol, e.e.

- gall plentyn sy'n 5 oed rhwng 1 Medi a 31 Rhagfyr 2019 ddechrau yn nhymor y gwanwyn 2020
- gall plentyn sy'n 5 oed rhwng 1 Ionawr a 31 Mawrth 2020 ddechrau yn nhymor yr haf 2020
- gall plentyn sy'n 5 oed rhwng 1 Ebrill a 31 Awst 2020 ddechrau yn nhymor yr hydref 2020 (sylwer y bydd y plentyn, yn yr achos hwn, yn ymuno ar ddechrau Blwyddyn 1 yn hytrach na'r dosbarth Derbyn).

Mae gan lawer o ysgolion ddosbarthiadau meithrin y gall disgyblion ymuno â nhw'n rhan amser pan fyddant yn 3 oed. Mae'r dyddiadau cymhwyso uchod hefyd yn berthnasol i'r derbyniadau hyn a byddant yn pennu pa dymor y gall y plentyn ddechrau. Gall plant a anwyd rhwng 1 Medi a 31 Mawrth fynychu darpariaeth feithrin yn llawn amser yn ystod y tymor yn dilyn eu pen-blwydd yn 4 oed.

5. Ceisiadau am le mewn ysgol

Dylid gwneud ceisiadau ar-lein trwy wefan y Cyngor <https://www.sir-benfro.gov.uk> am leoedd ysgol mewn unrhyw un o'r categorïau canlynol. Anogir rhieni i ddarllen y Llawlyfr Gwybodaeth i Rieni a rhaid iddynt gadarnhau bod ganddynt gyfrifoldeb rhiant am y plentyn y maent yn gwneud cais amdano, cyn cwblhau'r ffurflen ar-lein. Dylid nodi bod ysgolion yn cael eu hannog i gynorthwyo rhieni i gwblhau'r ffurflen ar-lein os nad oes ganddynt fynediad at gyfrifiadur gartref. Mewn amgylchiadau arbennig, er engraifft pan nad oes cyfeiriad ebost gan rieni, darperir ffurflenni papur lle bo angen.

Gall rhieni ganfod enw a lleoliad eu hysgol leol trwy roi eu cod post cartref yn y cyfleuster chwilio "Chwilio Am Ysgol Yn Eich Ardal Chi" ar y wefan. Ar ôl dewis y cyfeiriad cywir ar y sgrin ddilydol, dangosir rhestr o wasanaethau cyfagos; bydd clicio ar "Ysgolion" yn dangos rhestr o'r holl ysgolion dalgylch ar gyfer y cyfeiriad dan sylw. Gellir cael gwybodaeth am ddalgylchoedd ysgolion hefyd o adran Ysgolion a Dysgu'r wefan ac yna dilyn yr adran Ysgolion. Dangosir manylion yr holl ysgolion, yn eu clystyrau, gan gynnwys mapiau dalgylch.

- b) Bydd ymgeiswyr yn derbyn canlyniad eu cais yn ysgrifenedig; bydd hwn ar ffurf e-bost awtomataidd fel arfer. Pan fo cais yn aflwyddiannus, bydd yr ymgeisydd yn cael gwybod y rheswm am y penderfyniad ac am eu hawl i apelio i banel apelïadau annibynnol, ond nid oes hawl i apelio ynglŷn ag addysg feithrin.

i. Derbyn i Addysg Feithrin

Y dyddiad cau ar gyfer derbyn ceisiadau am le mewn dosbarth meithrin yn ystod 2020 fydd 30 Ebrill 2019. Bydd y dyddiad cau hwn yn berthnasol i geisiadau ar gyfer pob disgybl fydd yn cyrraedd 3 oed rhwng 1 Medi 2019 a 31 Awst 2020.

Bydd yr holl geisiadau a dderbynnir ar gyfer ysgol benodol yn cael eu hystyried gyda'i gilydd ar ôl y dyddiad cau. Bydd y meini prawf gordanysgrifio yn cael eu hystyried os oes mwy o geisiadau na sydd o lefydd ar gael. Ni roddir blaenoriaeth i geisiadau ar sail y dyddiad y'u derbyniwyd.

Rhoddir gwybod i rieni am ganlyniad eu cais erbyn 31 Gorffennaf 2019. Bydd disgyblion yn cael eu derbyn yn dymhorol ar sail oedran y plentyn a threfniadau dosbarth meithrin yr ysgol. Rhoddir gwybod i'r rhieni am ba dymor y gall eu plentyn ddechrau.

ii. Derbyn i Addysg Gynradd – Dosbarth Derbyn

Y dyddiad cau ar gyfer derbyn ceisiadau am le mewn dosbarth Derbyn ym mis Medi 2020 fydd 31 Ionawr 2020. Bydd y dyddiad cau hwn yn berthnasol i geisiadau ar gyfer pob disgybl fydd yn cyrraedd 5 oed rhwng 1 Medi 2020 a 31 Awst 2021, hyd yn oed os yw rhieni'n dymuno gohirio mynediad dyddiad dechrau hyd nes bod eu plentyn yn cyrraedd oedran ysgol gorfodol fel y disgrifir uchod.

Bydd yr holl geisiadau a dderbynnir ar gyfer ysgol benodol yn cael eu hystyried gyda'i gilydd ar ôl y dyddiad cau. Bydd y meini prawf gordanysgrifio yn cael eu hystyried os oes mwy o geisiadau na sydd o lefydd ar gael. Ni roddir blaenoriaeth i geisiadau ar sail y dyddiad y'u derbyniwyd.

Rhoddir gwybod i rieni am ganlyniad eu cais ar ddyddiad y cynnig cyffredin, sef 16 Ebrill 2020.

Ni fydd gan blant sy'n mynychu dosbarth meithrin mewn ysgol hawl awtomatig i le yn nosbarth Derbyn yr ysgol honno. Bydd angen i rieni wneud cais am le yn yr un modd ag ymgeiswyr eraill.

iii. Derbyn i Addysg Uwchradd

Gwahoddir rhieni disgyblion blwyddyn 6 i fynegi eu dewis am le mewn ysgol uwchradd yn ystod tymor yr hydref cyn i'w plant drosglwyddo. Y dyddiad cau ar gyfer derbyn ceisiadau am le mewn ysgol uwchradd ym mis Medi 2020 fydd 20 Rhagfyr 2019.

Bydd ceisiadau'n cael eu prosesu yn ystod tymor y gwanwyn 2020. Bydd y meini prawf gordanysgrifio yn cael eu hystyried os oes mwy o geisiadau na sydd o lefydd ar gael mewn ysgol benodol.

Rhoddir gwybod i rieni am ganlyniad eu cais ar y dyddiad cynnig cyffredin, sef 1 Mawrth 2020.

iv. Derbyn i Addysg Ysgol Ganol (3-16)

Yn achos ceisiadau am lefydd i'r dosbarthiadau Meithrin a Derbyn, gweler y Paragraffau i a ii uchod.

Yn amodol ar ddewis y rhieni, bydd y disgyblion yn aros mewn ysgolion o'r fath hyd nes y byddant yn dod i ddiwedd oedran ysgol statudol.

Ni fydd yn ofynnol i ddisgyblion sydd ar y gofrestr ym Mlwyddyn 6 mewn ysgolion canolradd wneud cais am drosglwyddo i elfen uwchradd ysgolion o'r fath.

6. Ceisiadau Hwyr

Bydd ceisiadau hwyr yn cael eu hystyried ar ôl yr holl geisiadau a dderbyniwyd erbyn y dyddiad cau penodedig oni bai fod rhesymau eithriadol dros gyflwyno'r cais yn hwyr, sy'n rhaid eu hesbonio wrth gyflwyno'r cais.

Bydd ceisiadau hwyr yn cael eu hystyried ar sail y meini prawf gordanysgrifio cyhoeddedig, gan ystyried niferoedd presennol/darpar ddisgyblion ar yr adeg ymgeisio.

7. Rhestrau Aros

Os na fydd yr Awdurdod yn gallu cynnig lle i blentyn yn yr ysgol o'i ddewis yn ystod y cylch derbyn arferol, oherwydd gordanysgrifio, rhoddir eu henw ar restr aros tan 30 Medi ar ddechrau'r flwyddyn academaidd berthnasol. Rhoddir blaenoriaeth am unrhyw leoedd sy'n dod ar gael yn ôl y meini prawf gordanysgrifio ac nid yn ôl y dyddiad y cyflwynwyd y cais am le yn wreiddiol.

Ar gyfer ceisiadau a dderbynnir y tu allan i'r cylch derbyn arferol, mae'r enwau'n aros ar restrau aros tan ddiwedd tymor yr haf y flwyddyn academaidd y gofynnwyd am y lle.

8. Newid yr Ysgol Ddewisol

Os newidir yr ysgol ddewisol ar ôl gwneud y cais gwreiddiol, rhaid nodi hyn yn ysgrifenedig i'r Swyddog Derbyn. Os bydd newid o'r fath yn digwydd ar ôl y dyddiad cau ar gyfer derbyn ceisiadau, bydd yn cael ei drin fel cais hwyr.

9. Derbyn i Ysgol Portfield a Chanolfannau Adnoddau Dysgu mewn Ysgolion (unedau cysylltiedig)

Ymdrinnir â derbyniadau i Ysgol Arbennig Portfield a Chanolfannau Adnoddau Dysgu dynodedig sy'n gysylltiedig ag ysgolion prif ffrwd gan Wasanaeth Cynhwysiant yr Awdurdod ar sail y lefel o anawsterau dysgu ac anghenion cymhleth a aseswyd. **Nid** yw'r meini prawf uchod yn berthnasol.

10. Trosglwyddo Rhwng Ysgolion

Gall rhieni ofyn am drosglwyddo ar unrhyw adeg. Fodd bynnag, oni bai bod y trosglwyddiad o ganlyniad i newid cyfeiriad, dim ond ar ddechrau tymor bydd yr Awdurdod yn caniatáu trosglwyddo o un ysgol yn Sir Benfro i un arall fel arfer. Mae pob cais am drosglwyddo yn ddarostyngedig i weithdrefnau derbyn arferol a bod llefydd ar gael yn yr ysgol a ddewiswyd.

Os gofynnir am drosglwyddo ar unwaith a hynny am reswm nad yw'n ymwneud â newid cyfeiriad, gweithredir protocol sy'n cynnwys y Gwasanaeth Cefnogi Disgyblion. Gwahoddir rhieni i drafod y cais am drosglwyddo gyda Swyddog Cymorth Disgyblion a fydd yn penderfynu a ddylid caniatáu trosglwyddo ar unwaith. Os na fydd y Swyddog Cymorth Disgyblion yn cymeradwyo trosglwyddo ar unwaith, bydd y trosglwyddiad yn digwydd ar ddechrau'r tymor canlynol yn unig.

Mae taflen ganllaw ar gyfer rhieni sydd am drosglwyddo'u plentyn (Newid Ysgolion - canllaw i rieni) ar gael gan yr ysgol neu'r Swyddog Derbyn ac ar-lein yn www.sir-benfro.gov.uk

Ar ôl cytuno ar gais i drosglwyddo ysgol a hysbysu'r rhieni yn ysgrifenedig, bydd angen i rieni ymateb i'r e-bost er mwyn derbyn y lle. Os bydd amgylchiadau'n newid a bod angen lle mewn ysgol wahanol, neu'r ysgol flaenorol, rhaid gwneud cais newydd. Dylai rhieni nodi y gallai'r lle yn yr ysgol y mae eu plentyn yn ei gadael eisoes fod wedi'i neilltuo i rywun arall.

11. Gohirio Mynediad i Ddosbarthiadau Derbyn

Gall rhieni sy'n gwneud cais am le i'w plentyn mewn dosbarth derbyn (yn ystod neu ar ôl y rownd dderbyn arferol ar gyfer y lleoedd hyn) ofyn am i'r dyddiad dechrau gael ei ohirio hyd nes bod eu plentyn yn cyrraedd oedran ysgol gorfodol (y tymor ar ôl eu pen-blwydd yn 5 oed). Dan yr amgylchiadau hyn, bydd yr awdurdod derbyn yn cadw'r lle y cytunwyd arno ar gyfer y plentyn fel nad yw'r lle ar gael i blentyn arall.

12. Ceisiadau Cynnar

Gall rhieni wneud cais am le i'w plentyn mewn dosbarth meithrin ar unrhyw adeg o'u genedigaeth. Bydd ceisiadau a dderbynnir cyn y rowndiau derbyn arferol (yn seiliedig ar ddyddiad geni'r plentyn) yn cael eu cydnabod, eu cadw ar ffeil a'u prosesu ar yr adeg briodol. **Ni roddir blaenoriaeth i geisiadau cynnar.**

13. Cadw Lleodedd

Ni fydd lleoedd yn cael eu cadw am fwy nag un tymor y tu allan i'r rownd dderbyn arferol. Gall rhieni sy'n gofyn am ddyddiad derbyn yn y dyfodol (er enghraifft, oherwydd eu bod yn symud i'r ardal) wneud cais am hynny dymor yn unig cyn y bydd angen y lle e.e. os oes angen lle yn nhymor y gwanwyn, gellir cyflwyno'r cais ar ddechrau'r tymor yr hydref blaenorol a dim cynharach na hynny.

Bydd ceisiadau a dderbynnir mwy na thymor cyn bod angen y lle yn cael eu cydnabod a rhoddir gwybod i'r rhieni y bydd y cais yn cael ei brosesu ar yr adeg briodol.

14. Apeliadau

Bydd apeliadau yn erbyn penderfyniadau derbyn yn cael eu clywed gan banel apeliadau annibynnol. Dylid anfon llythyrau apêl at y Cyfarwyddwr Plant ac Ysgolion o fewn 10 niwrnod gwaith i ddyddiad yr hysbysiad bod y cais am le yn aflwyddiannus. Adran Gwasanaethau Cyfreithiol Cyngor Sir Benfro sy'n trefnu i'r panel apeliadau gwrdd, a bydd apeliadau'n cael eu clywed o fewn 30 niwrnod ysgol o'r dyddiad cau penodedig ar gyfer derbyn apeliadau. Yn ystod gwyliau'r haf, bydd yr apeliadau'n cael eu clywed o fewn 30 niwrnod gwaith o dderbyn yr apêl yn ysgrifenedig.

15. Fforwm Derbyn

Mae Fforwm Derbyn Sir Benfro yn cyfarfod ddwywaith y flwyddyn i drafod materion derbyn lleol ac i fonitro cydymffurfiaid yr Awdurdod Derbyn â Chod Ymarfer Derbyn i Ysgolion. Cynrychiolir penaethiaid, llywodraethwyr, rhieni ac awdurdodau esgobaethol. Cyhoeddir cylch gorchwyl a chofnodion cyfarfodydd y fforwm ar-lein yn <https://www.sir-benfro.gov.uk/mynediad-i-ysgolion/fforwm-derbyn-sir-benfro>

16. Ymgynghori

Mae gan bob ysgol gymunedol a gwirfoddol a reolir yr hawl i roi eu barn ynglŷn â threfniadau derbyn pob awdurdod derbyn yn Sir Benfro. Mae hawl ysgolion cymunedol a gwirfoddol a reolir i wrthwynebu'r trefniadau hyn wedi'i chyfyngu i wrthwynebiad i nifer derbyn eu hysgol eu hunain ac i'r trefniadau derbyn ar gyfer ysgolion gwirfoddol a gynorthwyir. Gall awdurdodau derbyn ysgolion a gynorthwyir gael eu heithrio o ymgynghori am hyd at ddwy flynedd ar yr amod bod amodau penodol yn cael eu bodloni.

17. Gwybodaeth Ychwanegol

Am ragor o wybodaeth cysylltwch â:

Huw Jones – Swyddog Proffesiynol – Cynllunio Lleodedd a Derbyniadau
Neuadd y Sir, Hwlfordd, SA61 1TP
Rhif ffôn: 01473 764551
e-bost: derbyniadau@sir-benfro.gov.uk

TREFNIADAU DERBYNIADAU I YSGOLION 2020-21

Nif.	YSGOL	Nifer Derbyn 2020/21
2203	SAGESTON CP	17
2209	YSGOL GYNRADD GYMUNEDOL EGLWYSWRW	20
2212	GOODWICK	19
2214	FENTON CP	50
2220	JOHNSTON CP	30
2222	LAMPHEY PRIMARY	29
2223	YSGOL GYMUNEDOL BRYNCONIN	12
2228	HOOK CP	15
2231	YSGOL LLANYCHLLWYDOG	4
2233	YSGOL GYMUNEDOL MAENCLOCHOG	16
2242	NARBERTH CP	47
2243	YSGOL BRO INGLI	15
2250	PUNCHESTON CP	10
2253	YSGOL LLANDUDOG	18
2254	WOLFSCASTLE CP	5
2258	SAUNDERSFOOT CP	40
2260	STEPASIDE CP	28
2261	TEMPLETON CP	15
2266	TAVERNSPITE CP	29
2270	YSGOL GYMUNEDOL CROESGOCH	17
2271	BROAD HAVEN PRIMARY	17
2273	ROCH CP	25
2384	COASTLANDS SCHOOL/ YSGOL Y GLANNAU	15
2385	YSGOL CLYDAU	10
2386	PEMBROKE DOCK COMMUNITY SCHOOL	89
2387	MONKTON PRIORY CP	26
2388	YSGOL GELLI AUR/GOLDEN GROVE COMMUNITY SCHOOL	E40 / W15
2389	YSGOL GLANNAU GWAUN	E12 / W21
2390	YSGOL Y FRENNI	30
2391	PRENDERGAST COMMUNITY SCHOOL	64
2392	PENNAR COMMUNITY SCHOOL	34
2393	NEYLAND COMMUNITY SCHOOL	47
2395	YSGOL HAFAN Y MÔR	30
2396	MILFORD HAVEN COMMUNITY PRIMARY SCHOOL	96
2397	WALDO WILLIAMS PRIMARY SCHOOL	46
3035	CILGERRAN CHURCH IN WALES VC	19

Nif.	YSGOL	Nifer Derbyn 2020/21
3036	COSHESTON VC	8
3040	CLEDDAU REACH VC	34
3042	MANORBIER CHURCH IN WALES VC	12
3050	SPITTAL CHURCH IN WALES VC	25
3055	ST FLORENCE CHURCH IN WALES VC	13
3058	YSGOL GER Y LLAN	21
3059	TENBY CHURCH IN WALES VC PRIMARY SCHOOL	45
3060	PENRHYN CHURCH IN WALES VC SCHOOL	17
3061	GELLISWICK CHURCH IN WALES VC SCHOOL	68
5500	YSGOL CAER ELEN	45 Cynradd 120 Uwchradd
4031	YSGOL BRO GWAUN	105
4035	THE GREENHILL SCHOOL	212
4038	YSGOL HARRI TUDUR / HENRY TUDOR SCHOOL	240
4063	MILFORD HAVEN SCHOOL	212
4064	YSGOL Y PRESELI	163
4512	HAVERFORDWEST HIGH VC SCHOOL	325